

Bijele noći u Rusiji

Sankt Peterburg i Moskva

19.06. – 26.06.2026.
8 dana / 7 noći

1. dan 19.06. petak Sarajevo - Sankt Peterburg

Sastanak grupe dva sata prije polijetanja na aerodromu Sarajevo. Let avio kompanije Turkish Airlines za Istanbul u 12:00 časova (let TK1024). Slijetanje u Istanbul u 17:25. Nastavak putovanja za Sankt Peterburg u 19:30 (let TK399), dolazak u 23:15 časova. Transfer do hotela. Smještaj. Noćenje.

2. dan 20.06. subota Sankt Peterburg

Doručak. Panoramsko razgledanje grada autobusom: Nevski prospekt, Kazanjski sabor, Dvorski trg, Admiralitet, Vasiljevsko ostrvo, Ermitaž, Isakijevska saborna crkva, Bronzani konjanik ... (bez ulaska u objekte). U nastavku, poslije pauze fakultativna posjeta Petropavlovskoj tvrđavi, istorijskom jezgru grada, unutar čijih zidina se nalaze Petropavlovska saborna crkva u kojoj su sahranjeni svi ruski imperatori (počev od Petra I), Istorijski muzej Sankt Peterburga, kao i čuvene tamnice. Slobodno vrijeme. Noćenje.

3. dan 21.06. nedjelja Sankt Peterburg

Doručak. Fakultativni program: Ermitaž, obilazak jednog od najvećih muzeja na svijetu, u zdanju Zimskog dvorca, sa preko 3 miliona eksponata. Njegova neprocjenjiva zbirka izložena je u 6 zgrada raspoređenih na Dvorskom trgu i duž rijeke Neve. Glavna zgrada je Zimski dvorac koji je nekada bio rezidencija ruskih careva, a u njegovoj bogatoj zbirci izdvajaju se remek djela Leonarda Da Vinčija, Ticijana, Rembranta, Mikelandela i drugih. Muzej je poznat i po arheološkoj zbirci, zbirci skulptura, zbirci srednjevjekovne evropske umjetnosti, ali i po svom baroknom izgledu i arhitekturi. Vožnja kanalima i Nevom, specifičnim niskim brodovima prilagođenim za prolazak kroz kanale i ispod niskih mostova, zbog kojih je ovaj grad dobio i naziv "Sjeverna Venecija". Pogled na znamenitosti grada i njegovu arhitekturu sa legendarne rijeke Neve i nekih od mnoštva kanala, ostavlja jedinstven utisak i sjećanje. Slobodno vrijeme. Noćenje.

4. dan 22.06. ponedjeljak Sankt Peterburg

Doručak. Fakultativni program: Peterhof - Ruski Versaj, ljetnja carska rezidencija Petra Velikog, izgrađena u XVIII vijeku po nalogu samog cara prema uzoru na Versaj. Obilazak obuhvata šetnju veličanstvenim parkom, razgledanje čuvenih fontana sa 250 pozlaćenih skulptura i izlazak na obalu Finskog zaliva sa kojeg se pruža veličanstven pogled na zaliv, Kronštat i Sankt Peterburg. Puškin-Carsko Selo, ljetnja rezidencija Ekaterine Velike, prekrasan dvorac i park površine 107 hektara. Enterijer dvorca fascinira sjajem umjetničkih predmeta od poludragog kamena, zlata, portretima dinastije Romanovih. Povodom 300-godišnjice osnivanja Sankt Peterburga završena je obnova čuvene Čilibarske dvorane, koja je Ekatarininom dvorcu vratila stari sjaj. Slobodno vrijeme. Noćenje.

5. dan 23.06. utorak Sankt Peterburg – Moskva

Doručak. Transfer do željezničke stanice. Polazak voza za Moskvu oko 09 časova. Putovanje savremenim vozom Sapsan u trajanju 3 sata i 50 minuta. Po dolasku, panoramsko razgledanje grada autobusom: centar grada, Crveni trg, Kremlj, Crkva Vasilija Blaženog, Boljšoj teatar, Hram Hrista Spasitelja, Novodevičji manastir, vidikovac Vrapčeva brda i Univerzitet "Lomonosov", Poklonaja gora (Park Pobjede) i dr. (bez ulaska u objekte). Transfer do hotela. Smještaj. Večera u hotelu. U večernjim časovima fakultativni program: upoznavanje sa Moskovskim metroom, jednim od najljepših i najstarijih metroa na svijetu, u kojem čak 44 stanice imaju status kulturnog naslijeđa. Obilazak nekoliko najznačajnijih metro stanica, koje su nalik na muzeje bogato dekorisane skulpturama, mozaicima, pozlaćenim floralnim ornamentima, mermernim stubovima i portretima nacionalnih heroja. Noćenje.

6. dan 24.06. srijeda Moskva

Doručak. Fakultativni program: Kremlj, najstariji dio Moskve i njen politički, duhovni i istorijski centar, kompleks neponovljiv po svojoj arhitektonskoj i umjetničkoj ljepoti. Obilazak teritorije, Uspenske crkve u kojoj su krunisani svi ruski carevi, Arhangel'ske crkve, Car zvona i Car topa. Riznica carske Rusije (Oružana palata) - ogromne istorijske i umjetničke dragocjenosti moskovskog Kremlja sakupljene su u jednu zbirku iz koje je nastao Muzej Oružana palata, koji se nalazi pod zaštitom UNESCO-a. Muzej Panorama Borodinske bitke, posvećen ratu sa Napoleonom 1812. g. Glavni eksponat muzeja je panorama, ogromno slikano platno dimenzije 115x15m, koje visi u zatvorenom krugu i predstavlja jedan od najtežih momenata bitke na Borodinskom polju. Slobodno vrijeme. Noćenje.

7. dan 25.06. četvrtak Moskva

Doručak. Fakultativni program: Sergijev Posad (bivši Zagorsk, 70 km od Moskve), jedan od najstarijih i najvećih ruskih manastirskih kompleksa, centar ruskog pravoslavlja i duhovnosti, ranije rezidencija ruskog patrijarha. Obilazak Troice Sergijeve Lavre, bisera drevnoruske umjetnosti i arhitekture. Lavra je, razvijajući se od usamljene drvene crkve usred šume u XIV vijeku imala različite uloge koje su bile od velikog značaja za rusku istoriju. Slobodno vrijeme. Večernja Moskva sa rijeke - vožnja ekskluzivnim brodom-restoranom "Radisson". Veličanstven pogled sa rijeke na noćnu Moskvu, jedan od najljepše osvijetljenih gradova na svijetu. Noćenje.

8. dan 26.06. petak Moskva – Sarajevo

Doručak. Slobodno vrijeme. Transfer do aerodroma. Let avio kompanijom Turkish Airlines za Istanbul u 12:30 časova (let TK414). Sletanje u 16:25. Nastavak putovanja za Sarajevo u 18:50 (let TK1025), dolazak u 19:30 časova. Kraj usluge.

CIJENA ARANŽMANA

Ultra first minute 2.250 KM – za rezervacije potvrđene do 31.12.2025.

Doplata za jednokrevetnu sobu - na upit

Cijena za dijete – na upit

Cijena aranžmana obuhvata:

- Avionski prevoz letovima Turkish Airlines, sa predatim prtljagom do 23 kg i ručnim do 8 kg
- Troškove avio-taksi
- Prevoz vozom Sapsan Sankt Peterburg - Moskva
- Smještaj u hotelima 4* u dvokrevetnim sobama sa doručkom (u St. Peterburgu hotel Cosmos Pulkovskaya 4*, u Moskvi Azimut City Hotel Olympic 4*)
- Večera u hotelu u Moskvi prvog dana
- Gradske komunalne i boravišne takse
- Transfere prema programu
- Turistički program: panoramsko razgledanje Sankt Peterburga i Moskve
- Usluge pratioca grupe i stručnih lokalnih vodiča
- Troškove organizacije aranžmana.

Cijena aranžmana ne obuhvata:

- Fakultativni program u Sankt Peterburgu i Moskvi
- Individualne troškove.

Minimum za realizaciju putovanja je 15 putnika

Fakultativni program:

Sankt Peterburg:

- Petropavlovska tvrđava 40 EUR
- Ermitaž 50 EUR
- Vožnja kanalima i Nevom 40 EUR
- Peterhof, park sa fontanama 55 EUR
- **Puškin (Carsko selo) 65 EUR ***

Moskva:

- Obilazak Moskovskog metroa 10 EUR
- **Kremlj (teritorija, 2 Saborne crkve) 50 EUR***
- **Riznica carske Rusije (Oružana palata) 55 EUR***
- Panorama Borodinske bitke 40 EUR
- Sergijev Posad (bivši Zagorsk) 55 EUR
- Krstarenje rijekom Moskvom 50 EUR

**) Prijavljivanje i plaćanje izleta Kremlj, Oružana palata i Puškin - Carsko selo obavezno je prilikom uplate aranžmana, na licu mjesta nije moguće.*

*U sve cijene uračunato je: vodič, autobus, ulaznice, slušalice.
Odlazak u Kremlj i Oružanu palatu - metroom.*

Popust 10% - za plaćene sve izlete prilikom uplate aranžmana (ukupno 460 evra)

Minimum za realizaciju izleta je 10 prijavljenih.

Za broj prijavljenih putnika ispod 15, program će se realizovati javnim prevozom, metroom (ne odnosi se na izlete van oba grada).

Opisi hotela:

Sankt Peterburg, [Cosmos Pulkovskaya 4*](#)

Nalazi se na Moskovskom prospektu, ima odličnu vezu metroom sa centrom.

U sadržaju hotela su restorani: pivni, sa sopstvenom mini pivarom poznate marke Paulaner i živom muzikom, japanski restoran sa velikim izborom specijaliteta. Opremljeni fitness centar, sa bazenom, saunama i masažnim tretmanima.

Moskva, [Azimut City Hotel Olympic 4*](#)

Hotel Olympic se nalazi u širem centru grada. U blizini su dvije metro stanice - Prospekt Mira i Dostojevskaja, a do strogog centra i Crvenog trga se stiže za samo 25-30 minuta. U sadržaju hotela su restorani: pivni Paulaner sa sopstvenom pivarom, indijski i imerzivni restoran sa interaktivnim posluženjem. Gostima je na raspolaganju fitness centar sa bazenom, teretanom, saunom, masažnim i kozmetičkim salonom.